

墨莊漫錄

墨莊漫錄卷第五

元豐五年狀元黃裳榜神廟御集英殿唱名至

第三甲有暨陶者主司誤呼為暨

去聲

三呼之無

應者蘇丞相頌時為吏部侍郎侍立上顧頌頌

曰當呼為居乙切果應而出上曰卿何以知之

出何書頌曰臣嘗觀三國時吳有暨豔造營府

之論恐其後也問陶鄉里乃建州人上喜曰果

吳人襄諭再三

大觀三年狀元賈安宅榜徽廟御集英殿唱名

至五甲有甄徹者中書侍郎林摠彥振唱名呼

為甄

籍延切

徹自言姓甄

之人切

摠猶強辯之近侍

匿笑繼而御史有言摠罷而出

神廟朝御馬有曰玉逍遙者蓋赭白也嘗幸金

明池歸衆之

胡世將成公為中書舍人無權給事中與張壽

子公同在後省一日胡將上馬忽內逼乃解衣

奏廁張戲之曰解衣脫冕而行舍人給事

取急事同

音歆尋屬對無有其事後李彌大似矩尚書知

平江府似矩嘗為宣撫使趙九齡次張忽云子
公之句吾有對矣可對棄甲曳兵而走宣撫尚
書取常輸字同音聞者莫不大笑且以為的對蓋為帥
臣嘗為賊所窘也

范文正公長子監簿純佑自幼警悟明敏過人
文正公所料事必先知之善能出神公在西邊
凡虜情幾事皆預遙知蓋出神至虜廷得之故
公每制勝料敵如神者監簿之力也一日因出
神為人所驚自此神觀不足未幾而亡時甚少

也公之族子閏彥和云

邦基外祖父吳豪字特起世家臨川其兄仕於
唐州而亡因家汭上治田於黃玉二陂遂以多
貲聞倜儻尚義潛德不曜荆公夫人之同祖兄
弟也荆公更新法心不喜之將授之官力辭不
願自外祖死伯舅元順苗持門戶順苗蕭散風
度雅意翰墨畜法書名畫甚富烹茶焚香吟詩
彈琴而已隴畝漫不省也坐是東臯廢弛歲不
暇給乃委仲舅允悅治而其隳敗悅苗孝友修愿

賙貧樂施有父風未幾多稼復如曩時歲收數
萬斛公心持已無絲髮之私輸載長兄房以聽
出納悅畚奉太夫人盡子道待兄弟得怡怡之
義四方親舊以貧投者存恤無厭減獲咸無怨
言鄉曲皆得其懽心宣和辛丑秋得病至冬不
起視笥中衣無兩襲未嘗有一物私蓄也人始
服其廉謹時京師調發科敷動以萬計適丁連
年旱歉悅畚憂家成瘁鬱感病其死數日姪
希夢悅畚云吾有詩爾其志之及覺憶其二句

雲錦卷五
云春風陌上一杯酒回首家原事若何蓋悅菴
雖死猶不忘家也悲夫

僧如壁乃江西進士饒節次子也少年嘗投書
於魯子宣論新法非是不合乃祝髮更名充長
於詩嘗住教刹士大夫多與之游後改字德操
梅花一聯云遂教天下無雙色來作人間第一
春風味亦不淺又答呂居仁寄詩云長憶他時
對短檠詩成重改又鷄鳴如今老矣無心力口
誦君詩逸竹行居仁甚稱之

玉臺新咏梁沈約休文有六憶詩蓋艷詞也其
後少有效其體者王全玉乃作宮體十憶詩李
元膺重見之愛其詞意宛轉且曰讀之動人老
狂不能已聊復効尤亦作十絕謂憶行憶坐憶
飲憶歌憶書憶博憶顰憶笑憶眠憶粧也其一
曰屏帳腰支出洞房花枝牽地引巾長裙邊遮
定雙鴛小只有金蓮步步香其二云椅上漆花
闕面平綉裙斜綽茜羅輕踏青姊妹頻來喚駕
履貪弓不意行其三云綠蟻頻傾不厭多帕羅

香軟襯金荷從教弄酒春衫浣別有風流上眼
波其四云一串紅牙碎玉敲碧雲無力駐晴霄
也知唱到閑情處緩按餘聲眼色招其五云纖
玉叅差象管輕蜀牋小研一作研碧窓明袖紗密
映嗔郎看學鴛鴦字未成其六云小閣爭蒲
畫燭低錦茵團坐玉相歌嬌羞慣被諸郎戲袖
映春葱出注遲其七云漫注橫波無語處輕籠
小板歌時千愁萬恨關心曲却使眉尖學別
離其八云從來題目直千金無事羞多始見心

乍向客前猶掩斂不知已覺鈿窩深其九云泥
嬌成困日初長暫卸輕裙玉簟涼漠漠帳煙籠
玉枕粉肌生汗白蓮香其十云宮樣梳兒金縷
犀釵梁冰玉刻蛟螭眉間要點雙心字不管蕭
郎只畫眉其情致殊妍麗自非風流才思者不
能作也

藏書之富如宋宣獻畢文簡王原叔錢穆父王
仲至家及荆南田氏歷陽沈氏各有書目譙郡
祁氏多書號外府太清老氏之藏室後皆散亡

田沈二家不肖子盡鬻之京都盛時貴人及賢
宗室往往聚書至多者萬卷兵火之後焚毀迨
盡間有一二留落人間亦書史一時之厄也吳
中魯叟彥和賀鑄方回二家書其子猷之朝廷
各命以官皆經彥和方回手自讐校非如田沈
家貪多務得舛謬訛錯也

平江自朱勔用事花木之奇異者盡移供禁籞
下至墟墓間珍木亦遭發鑿山林所餘惟合抱
成圍或臃腫散者乃保天年建炎己酉冬洎

庚戌春宣撫使周望留姑蘇諸將之兵斧斤日
往樵斫俱盡棟梁之材斫而為薪莫敢誰何諸
山皆童矣亦草木一時之厄耶

吳中魚市以斗計

一斗謂二斤半

松陵唱和皮日休釣

侶詩云一斗霜鱗換濁醪註云吳中買魚論斗
酒即秤斤其來蓋遠矣然酒今已用升至市矣
及蔬反論斤土風不可革也
僧謂酒為般若湯鮮有知其說者予偶讀釋氏
會要乃得其說云有一客僧長慶中留一寺呼

淨人酤酒寺僧見之怒其麓暴奪瓶擊栢樹其
餅百碎其酒凝滯着樹如綠玉搖之不散僧曰
某常持般若經須預飲此物一杯即諷詠劉亮
乃將餅就樹盛之其酒盡落器中畧無子遺奄
然流啜斯須器窳音庾酣暢矣酒之庾辭其起此
乎

樂全先生張安道薨東坡時守潁州於僧寺舉
掛參酌古今用唐人服座主總麻三月又別為
文往祭其柩蓋感其知遇也

王文公安石為相日奏事殿中忽覺偏頭痛不可忍遽奏上請歸治疾裕陵令且在中書偃臥已而小黃門持一小金杯藥少許賜之云左痛即灌右鼻右即反之左右俱痛並灌之即時痛愈明日入謝上曰禁中自太祖時有此數十方不傳人間此其一也因并賜此方蘇軾自黃州歸過金陵安石傳其方用之如神但目赤少時頭痛即愈法用新四葛取自然汁入生龍腦少許調勻昂頭使人滴入鼻竅

舒信道敗荷詩云忍看夜影分殘月別送秋聲
入晚風前輩云一郡之政觀於酒一家之政觀
於釐蓋二物若善則其他可知矣

處州縉雲縣簿廳舊為武尉司頃有一婦人常
現形與人接妍麗閑婉有殊色其來也異香芬
馥非世間之香自稱曰英華或曰綠華前後官
此者多為所惑建炎中一武尉與之配合如伉
儷同僚皆預其宴集慧辯可喜與尉料理事家
自言我非妖媚不害於人尉以郡檄部兵至揚

州時車駕駐蹕淮南英華亦隨而行至揚州南
門不肯入謂尉曰天子之所門有守禦之神我
不可入我從此而逝矣然君之行若復差往泗
上禍即至矣遂慘別而去尉至御營果令所部
兵往泗州交割尉乃行未幾而北兵至遂不知
存亡獨小得脫而歸英華已先至邑久矣其
後有蔣敷書字輝遠永嘉人為邑簿英華出如
平時其家母妻不安之而歸輝遠獨在官所英
華時復出現其來也香先襲人輝遠不少動心